



**Kommune Kujallermi  
Inuit Ataqatigiit politikkikkut suliassatut  
pingaartillugit  
2021-miit 2025-mut  
anguniagassatut isumaqatigiissutaat**

*Kujalleq ataatsimoortoq uummaarissoq eqeersimaartorlu*

*Nammineq pilersornerulernissamik inerisaaffiusoq*

*Oqartussaaqataaneq peqataatitsinerlu tamanut*

## **Aallarniut:**

Kommune Kujalleq tassaavvoq nunatsinni imminut pilersornissamut periarfissagissaartoq. Illoqarfinni nunaqarfinni savaateqarfinnilu nunatta siuariartortinnissaanut piginnaaneqarluartunik innuttalik.

Ukiorpassuarni uumasuuteqarnermik, nunalerinermik inuussutissarsiutinillu allanik ingerlatsiffiusoq, annertuumillu inerartoqqinnissaminut periarfissaqartoq.

Nammineerluni pilersornerulernissamut sulianik pilersitsinissarput qilanaarluta ingerlatissavarput. Uumasunik neqiliortuniippat, naatitalerineremiippat, aqquserniorneremiippat, aalisarneremiippat allatigulluunniit nunami imaani lu ingerlatassanik nutaanik inerisaanermiippat.

Aatsitassarsiorneq mingutsitsinermik kingunipiluttussaanngitsumillu siunertalik tikilluaqquarput.

Ukiuni tulliuttuni sisamani kommunitsinni piginnaasatta atorluarneqarlutik pilersaarusrusiorfigineqarnissaat Inuit Ataqatigiit siuttuuffigissavaat. Upperaarput nammineerluta pilersitatsinnik kommunerput siuariartortissinnaallugu, aqutsinikkullu naleqartipparput innuttaasut siuariartornernut piginneqataasut akuutinneqartutullu misigisimasut.

Inuussutissarsiutitigut siuariartorneq innuttaasut piginnaasaannik atuinikkut pinissaa qulakkeerlugu suliaqassaagut. Kommune Kujalleq tamanut suleqatiserinnittuussaaq, nunatsinniillu naalakkersuinikkut anguniakkani kommunitta inuussutissarsiutitigut siuariartortinnissa siunertalarugu sulissaagut.

Kommume Kujalleq ataatsimoornikkut nutaaliornikkullu ineriantorfiunissa kissaatigaarput, innuttaasut sinniisaasa suliassaraat ataatsimoorfiusumik siuariartortitsineq.

Ukiuni tulliuttuni sisamani suleqatigiilliuarmissamik kissaassillunga.

Stine Egede

Kommune Kujallermi borgmesteri.

## **1. Kommunimi uranitalinnik piaasoqassanngilaq:**

Urani naamik – ineriartorneq minguitsoq – Kujalleq qorsuk imaatigut nunamilu inuussutissaqarfissuaq.

## **2. Kommunimi allaffissornikkut ingerlatsinikkullu aaqqissuuseqqinneq:**

Kujalleq imminut napatittooq, aaqqissuuseqqinneq susasaqartunik tamanik, minnerunngitsumik kommunimi sulisunik peqataatisinikkut piviusunngortinneqassaaq.

Kommune ammasoq innuttaasunillu peqataatisisoq – saaffiginnissutnik ingerlaavartunik sukkasuumik inussiarnersumillu tamanut sullisisoq.

Nanortalimmi Narsamilu kommunip allaffiini ulluinnarni "Pisortanik" inissiisoqassaaq. Ulluinnarni pingaarnertut isumaginninnikkut teknikkeqarnikkullu aalajangigassanut akisussasaussapput. Qitiusumi Isumaginnittoqarfiup pisortaa aamma Teknikkeqarfiup pisortaa qanimut suleqatigilluinnarneqassapput.

Qinikkat saaffigiuminartut suliassanik susasaqartunut ingerlatitseqqittartut innuttaasunullu sutigut tamatigut peqataatisisut saaffigiuminartullu pilersissavagut.

Kommunip allaffii ittoornanngitsut saaffigiuminartullu pilersinneqassapput.

Kommunimut saaffiginninnermi innuttaasut toqqisisimallutik saaffiginnissuteqartarnissaat qularnaarneqassaaq, saaffiginnitarfiit aaqqissuuteqqinnerisigut.

Aningaasassarsiortartumik atorfinitssissaagut.

Sulisut ataavartumik pikkorissartuartarnissaat qularnaarneqassaaq.

## **3. Innuttaasunut paasissutissiisarneq:**

Innuttaasunut paasissutissiisarneq ullumikkornit pitsaanerulissaq, tamanna innuttaasunik ukiumut arlaleriarluni naapitsisarnikkut ingerlanneqartassaaq.

Kommunip quppersagaa atoruminartoq paassiuminartorlu pilersinneqassaaq.

Naqitatigut, qarasaasiatigut innuttaasullu qinikkanik kiinarsillutik naapitsisarsinnaanerat aamma periarfissinneqassaaq.

## **4. Aningaasaqarnikkut ingerlatsineq:**

Kommune Kujalleq aningaasaqarnikkut akisussaassuseqartumik eqqortumillu ingerlatsiffiusoq.

Kommune aningaasatigut ingerlatsinermini innuttaasunut paasissutissiisassaaq nittartagaq minnerunngitsumillu ataatsimiitsisarnerit allallu aqqutigalugit.

## **5. Nunaqarfiiit:**

Nunaqarfiiit aningaasatigut ingerlatsinikkullu namminneq pisariaqartitatik naapertorlugit ingerlasut – naatsumik oqaatigalugu nunaqarfiiit nappaqqillugit!

Nunaqarfinni illuutit asiulersut "pigineeruttut" misissuiffigineqassapput, piiagassat peerlugit, piginnittulli peqatigalugit iliuuseqarficalugit.

Puttasulersuineq nanginnejassaaq. Puttasut ningusuut ukioq naallugu atorsinnaasunik tulleriaarineq, inoqassuseq takornarialerinerlu aallaavigalugit inerisaneqassapput.

Nunaqarfiiit kommunitoqqat malillugit illoqarfittaminnit sullinneqassapput, allaffiilu pisariaqartitsineq napertorlugu inuttaliinikkut akisussaaffeqartinneqassallutik.

Sunngiffimmi susassaqartitsinikkut inerisaasoqassaaq, meeqqat atuarfii illut sulliviillu atorluarlugit.

Pisariaqartitsineq aallaavigalugu meeraaqjanik meeqqanillu paaqqinnissinnaaneq periarfissanngussapput.

Pisariaqartitsineq aallaavigalugu illuliorsinnaanneq aqqutissiuunneqassaaq.

## **6. Isumaginninnek:**

Innutaasunik isumaginninnek akisussaassusilimmik inuppalaartumillu ingerlatsisoq. Ilaqutariinnik, meeqqanik inuuusuttunik, innarluutilinnik utoqqarnillu isumassuisoq.

Isumaginninnermi sulisutigut naammattunik inuttaqartoq.

Utoqqaat illuini sulisut naammattut malinnaasinnaasullu pilersissavagut.

Kommune meeqqanut, inuuusuttuaqqanut, innarluutilinnut, tarnikkut nappaatilinnut, utoqqarnullu susassaqartut peqatigilluinnarlugit sullississaaq ineriartortitsillunilu.

Meeqqat atuarfiini tamani isumaginninnermi siunnersortinik kiisalu perorsaasunik pilersitsisoqassaaq.

Pinaveersaartitsineq annertooq, politiit, peqqinnissaqarfik sammisarlu aallaavigalugu susassaqartut peqatigalugit pimoorullugu ingerlannejassaaq. Tassani annertuumik kinguaassiutitigut atornerluisarnerup annikilliartortinnissaanik pimoorussamik sulineq qitiussaaq.

Naartuersittartut ikilisarneqarnissaat anguniarneqassaaq.

Anaanangujaartartut angajoqqaanngujaartartullu peqqinnissaqarfik peqatigilluinnarlugu aallartilluarnissaat siunertaralugu pikkorissaanerit ikorfartuinerillu ingerlanneqassapput.

Atornerluisut katsorsartikkusuttut sivisuumik utaqqisarnerat peqqinnissaqarfik suleqatigilluinnarlugu pimoorullugulu allanngortinneqassaaq.

Kinguaassiutitigut atornerlunneqarsimasut ikiorserneqarnissaminnut piaarnerpaamik iliuuseqarfigineqartassapput.

Kinguaassiutitigut atornerlusoqarsimaneranik paasisaqartoqartillugu / pasitsaasisimasoqartillugu piaarnerpaamik suliassamik aallartitsinissaq isumannaarneqartassaaq.

Meeqqat angerlarsimaffiup avataanut inissinneqannginnissaat anguniarlugu annertuumik suliaqassaagut.

Angerlarsimaffimmi ikiortinik pikkorissaaneq.

## **7. Atuarfeqarneq meeqqeriveqarnerlu:**

Meeqqat atuarfiini inatsisit malitassat eqqortumik malinnejassapput.

Meeqqat atuarfiini nerisaqartitsineq eqqunnejassaaq.

Meeqqat atuarfii nunaqariaasitsinut tulluartumik aaqqissuunneqassapput, Inatsisartullu peqatigalugit inatsit aaqqissuunneqartassalluni.

Atuartut angusartagaasa qaffassarnissaat angajoqqaat sinnisaat angajoqqaallu peqatigilluinnarlugit anguneqassaaq.

Atuarfiit nuannersut - uummaarissut, aalaakkaasunillu ilinniartitsisullit pisariaqarteqisagut susassaqartut peqatigalugit pilersinneqarnissaat sulissutigineqassaaq.

Ilinniartitsisussaaleqisoqartillugu meeqqat angerlartiinnarneqartassanngillat.

Meeraaqquerivinni meeqqerivinnilu sulisut amerlanerpaat ilinniarsimasuunissaat, kiisalu ilinniarsimanngitsut pikkorissartinneqartarnissaat piaartumik aqqutissiuunneqassaaq.

Meeqqeriviliorerit ingerlareersut ingerlaannassapput. Tullinnguullugu Nanortalik sanaartorfigineqassaaq, kingulliullugulu Narsaq.

Atuarfiup aaqqissuunneqarnera pitsasuusariaqarpoq nunap immikkoortuanut tulluarsarlugu.

Atuartut nunaqarfinneersut savaateqarfinningaaneersullu sivisunerpaamik angerlarsimasarnissaat anguniassavarput.

Atuartitsineq pitsaassappat, sulisunut atuartunullu pitsasumik atugassaqartitsinissaq pingaaruteqarluinnarpooq. Atuarfiup aaqqissuussaanerata pitsasuunissaa anguneqassappat, ilaatigut makku pingaaruteqarput.

- Atuartunik holdikkaarilluni atuartitsineq.
- Familieklasse.
- Ilanniartitsisut sukkulluunniit supervisionertinneqartarnissaat.
- Atuakkat atuartitsissutit pitsasut faginut naleqquttut ineriaartuutaasullu amerlisarneqarnissaat.

## **8. Kulturikkut timersornikkullu ingerlatsineq:**

Kulturikkut, anersakkut timersornikkullu sumiiffinni tamani sutigut tamatigut pikialaartitsiffiusoq.

Timersornikkut kommune annertusisamik inerisaavigineqassaaq, kommunip iluani unammiuarnerit annertusarneqassapput, pingaarnertut meeqqat inuusuttuaqqallu eqqarsaatigalugit.

Peqatigiifflerisut allaffeqarnikkut, ataatsimiittarfeqarnikkullu periarfissaqalissapput.

Avataaniit aliiikkusersuiartortut tikissatillugit, sappingisamik kommunimi illoqarfiit tamakkerneqartassapput.

Najukkani ataatsimiittitaliat kommunimit qanimut suleqatigineqarluassapput.

Nanortalimmi timersornikkut højskoleqalernissaa Naalakkersuisut peqatigalugit periarfissarsiuunneqassaaq.

## **9. Sunngiffik:**

Inuusuttuaqqat inuusuttullu sunngiffimmi ornittagassaannik pilersitsinissat pilersarusiorneqassapput.

Timersortarfiit aasaanerani ammasarnissaat pilersarusiusaaq.

Silami timersuutinik assigiinngitsunik ingerlatsinernik inerisaasoqassaaq, ilaatigut pinngortitamik avatangiisinillu atorluaanikkut.

Nunaqarfiit illoqarfiillu meeqqanut pinnguartarfeqalernissaat anguniassaaq.

## **10. Ineqarneq:**

Innuttaasunut tamanut inissaqartitsinikkut inissianillu sanaartornikkut siuariartorfiussaaq – Angerlarsimaffeqanngitsoqassanngilaq! Qinigaaffik naatinnagu angerlarsimaffeqanngitsunut unnuisarfinnik pilersitsissaagut.

Kommunip inissiaatileqatigiiffiata, Iserit A/S-ip, inissiaatit kommunitsinniittut tamakkerlugin ingerlatarilissavai.

Tarnimikkut innarluutillit pitsasunik tulluartunillu angerlarsimaffeqalissapput.

Innarluutillit illoqarfinni nunaqarfinnilu tamani tikikkuminartunik angerlarsimaffeqarnissaat aqqutissiuutissavagut.

Inissiat utoqqarnut tulluarsakkat naammattut 2030 tikitsinnagu pilersaarusrorluarlugit sanaartorneqassapput, aamma nunaqarfittatsinni.

## **11. Inuussutissarsiutit:**

Inuussutissarsiornikkut imaani nunamilu Kommune Kujalleq ineriartortitsisoq namminerlu pilersornissamik siunertalik – nunatta sinneranut aamma pilersuisoq anguniarneqassaaq. Tamanna pissaaq uumasuutillit, nunalerisut, aalisartut, piniartut takornarialerisut aamma Innovation South Greenland (ISG) qanimut suleqatigilluinnarlugit. Tamanna anguniarlugu ISG-mut tunngatillugu kiffartuussinissamik isumaqatigiisummi nunatta kujataani imminut pilersornikkut inerisaaneq annertuumik ineriartortinneqaqqullugu piumasaqaateqartoqassaaq.

Uumasuuteqarnermut nunalerinermullu allattoqarfiup tamakkiisumik Narsamut katarsorneqarnissaa Naalakkersuisunut piaartumik noqqaassutigineqassaaq.

ISG-p inerisaqqinnissaanut periarfissanik tamatigut tapersersuissaagut, qanimullu suleqatigineqarluassalluni. Aningaasaleeqqiffigineqarnissaa qulakteerneqassaaq.

Takornariaqarnermi communalbestyrelsimi pilersaarut akuersissutigineqartoq ineritilluarneqassaaq.

Savaateqarfinni takornarialerinkkut inerisaaniarneq kommunimit ISG peqatigalugu annertuumik tapersersorneqassaaq, periarfissat aallaavigalugit inerisaqqinnikkut.

Nunat eqqisisimatitanngortitat nalilersoqqissaarneqassapput, takornariaqarnermilu atorneqarsinnaaneri siunertaassalluni.

Aasaanerani nunat savanut neriniartitsiviusartut aatsitassarsiorfissatut periarfissaatillugit misissuiffigineqartnerat piivillugu peerneqartariaqarpoq, Naalakkersuisut peqatigalugit.

Uumasuuteqarnermik nunalerinermillu qitiusumik oqartussaaffiup Narsami kateriffeqalernissaa anguniarneqassaaq.

Piniarnermiut nakkutilliisoq Naalakkersuisut peqatigalugit Kommune Kujallermi pilersissavarput.

Qinigaaffimmi Kommune Kujallermi umimmanniarsinnaaneq pisinnaanersoq nalilersuiffigineqassaaq.

## **12. Sulisinnaanngorsaaqqinneq:**

Inatsisit atuuttut aallaavigalugit, pisinnaatitaaffiillu innarlernagit inerisaasinnaaneq qulaajarneqassaaq, sulisussaaleqilertarneq annikinnerpaaffissaaniitilerlugu.

Qaqortumi “Qisuk” pilersinneqaqqissaaq.

## **13. Aalisarneq:**

Tunisassiorfiit Naalakkersuisullu qanimut suleqatigalugit aalisartunut killilersuinngitsumik tunisassiorfeqarnissaq anguniarneqassaaq.

Aalisartut siuarsarnissaminnut perarfissarsiuunneqassapput Innovation South Greenland suleqatigalugu, soorlu angallatinik anginerumaanik pisiniarsinnaanermut Naalakkersuisut peqatigalugit attartortitsivimmik pilersitsinikkut.

Kangerlunni raajarniarnissamik ammaassinissaq Naalakkersuisut peqatigalugit piviusunngortinniarneqassaaq.

Kommunip imartaani titarnerup kujammut sammisup avammut illuartinnissaa Naalakkersuisut peqatigalugit suliarineqassaaq.

## **14. Narsarsuup siunissaa:**

Qaqortumi mittarfiup pilersinneqarnissaa utaqjinagu, Narsarsuup qanoq siunissami atorneqarnissaa pineqartut peqatigalugit ingerlanneqassaaq. Maannamut suliat ingerlareersut Naalakkersuisut peqatigalugit pingartillugillu nangeqqinneqassapput.

Kommune Kujalleq silaannakkut avammut attaveqartuassasoq qulakkerneqassaaq, ukiorlu kaajallallugu timmisartuussisinhaasunik ujartuisoqassalluni.

Narsarsuarmi akunnittarfiup nutarterneqarnissaa Naalakkersuisunut suliakkiissutigineqassaaq.

Sikublokkip Narsarsuarmi pilersinneqarnissaa aqqtissiuunneqassaaq.

## **15. Avatangiisit, eqqaaveqarneq eqqagassallu:**

Inoqarfinttamani eqqiluisaarnikkut perarfissat nutarterneqassapput.

Ukiut tamaasa saviminikunik katersineq aningaasaliiffigineqartassaaq, savaateqarfintti nunaqarfinnilu nungunnissaasa tungaannut.

Kangerluit tulleriaarlugit aaqqissuussamik nammineq kajumissutsimik peqataaffigineqartumik salinneqartassapput, minnerunngitsumik plastikklinik mingutsitsineq aamma eqqarsaatigalugu.

Ukiut tamaasa upernaakkut illoqarfiiut nunaqarfiiillu salinneqartassapput.

Talittarfinni – piniartut talittarfiini saliineq annertooq ingerlanneqartassaaq.

Biilit angallatillu atorneqanngitsut peerneqartassapput, piginnittui susassaqartullu allat peqatigalugit. Pagineqanngitsutut nalunaarsukkat kommunip akisussaaffigisaanik katarsorneqartassapput, isumannaatsumillu sumut eqqarneqartarnissaat nalilorsorneqartassaaq.

Batteriikunik, qulliit pærikuunik assigisaannillu eqqaavinnik pilersitsisoqassaaq.

#### **16. Aqquserngit:**

Kommune Kujallermi illoqarfinni aqquserngit tulleriaarlugit asfalterneqassapput.

Savaateqarfiiut illoqarfiiillu akornanni aqquserniornerit ataatsimut isigalugit pilersaarusrornermut aamma narsaatini naatitaateqarnermut iluaquissanngorlugit.

Narsarsuup kuaata ikaartarfissaa qinigaaffiup nutaap ingerlanerani pilersinneqassaaq, Qajitanullu aqqutissaq ikaartarfillu ingerlanneqartoq nangillugu naammassineqassalluni.

#### **17. Errorsisarfiiit:**

Nanortalimmi errorsisarfik pilersinneqassaaq.

#### **18. Anartarfiiit:**

2030-mi angerlarsimaffiit tamarmik kuuginnartunik imaluunniit ikuallattakkanik anartarfilsorneqarsimassapput.

#### **19. Imeqarneq:**

2030-mi Kommune Kujallermi angerlarsimaffiit tamarmik kuuginnartumik imeqalersimanissaat sulissutigineqassaaq.

## **Naggasiut**

Isumaqtigiissut manna tunngavingalugu ukiuni tulliuttuni ataatsimiititaliani suliassat tulleriaarneqarneri ataatsimiititaliat kiffaanngissuseqarfingissavaat. Tunngaviusumik isumaqtigiissut manna qitiutillugu ataatsimiititaliani sulinerit ingerlanneqassapput.

Atsiorneqarpoq ulloq apriilip 28-at 2021

Stine Egede, Inuit Ataqatigiit

Naja Lund, Inuit Ataqatigiit

Henning Jensen, Inuit Ataqatigiit

Sofia Olesen, Inuit Ataqatigiit

Piitaq Lund, Inuit Ataqatigiit

Pipaluk Larsen-Petersen, Inuit Ataqatigiit

Angutitsiaq Isbosethsen, Inuit Ataqatigiit

Bibi Kielsen, Inuit Ataqatigiit